

ИК БАЙР

Сентябрин 23-д асврин заводин көдлмшчнрин болн инженерн-техническ көдлмшчнрин митинг болв. Эн митингд көдлмшин хасгдсн өдрүр орлгъна болзтиг төгсххин болн көдлмшчнрин болн үүлд церглмшчнрин джалвиг диглхин тускар КПСС-н ЦК-н СССР-н Министрмүдин Советин болн ВЦСПС-н гаргъсн тогтаврин тускар партин Элст балгъсна комитетин пропагандин болн агитацин аныгин заведующ үр Шарапов В. М. сонъсхв.

Эн тогтавриг гүүнәр чинрлдж, партин болн правительствин килмджд ханлт өргджд, митинг деер бригадир үр Татаренко, слесарь үр Корниенко, бригадир Тазаев, плановик-экономист үр Добрякова эдн үг авч, партин болн правительствин шин килмджд икәр хандж:

—Иим тогтавр гарна гидг—ик байр, юнъгад гихлә, делкәд көдлмшин амтин ахр өдр мана орн-нутгт бәәсн, ода улм ахрдх болджана. Капиталистическ орн-нутгудар, үлгүрлхд, США-д Англьд, Францд болн талдан чигн орн-нутгудт көдлмшчнрин көдлдг цаг өдртән 12-14 час болна, көдлмш уга бәәдг улсин то өдр ирвас икдәд йовна.

Мана орн-нутгт болхла, цугъар көдлмштә элвг тетквртә бәәнә. Бидн, көдлмшчнр, партин болн правительствин өгчәх килмджд хәрү өгч, урдждан дорхнъ сән чинртәгъәр көдлджд, бий деерән авсн социалистическ даалгъвран болзгаснъ урд күцәхвдн гидж үгән өгчәнәвдн. Төрскнәннъ төлә бидн күчн-чидлән әрвлшговдн. Заводин долан джилә зураг ахр болзгт күцәхвдн терүнд магд уга. Тер төләд бидн цуг чидлән хамцулдж көдлджәнәвдн.

Мана завод 7 часа көдллгънд орхд белн. Заводин көдлмшчнр, зурагъан сар болгън күцәцхәнә. Заводин көдлмш ода нургълдж механизаци болн автоматизаци орцулгджд кегднә, көдлмшч болгън эн техникиг сәәнәр олзлна. Тегәд мана коллектив 7 часа көдлмшт ордг болвчн, көдлмшиннъ гарцан улм өөдлүлдж, зурагъан давулдж күцәхнъ алдг уга гидж босдж келсн үүрмүд темдгәлв.

Заводин коллектив, партин болн правительствин эн тогтавриг ик гидгәр таасдж, йөрәдж бәәх деерән, эн джилә зурагъан Алдр Октябрьск революцин 42-ч джилин өөн күртл күцәх даалгъвр авб.

П. ПЕТРОВ.